

Leturs: gnide präibel te sacrestia a ves tó la plata nöia di leturs.

Venüda de primules a fin de bëgn: la Uniu Patrones lascia alsavèi che en domènia, ai 13.03.2016 do la gran mëssa dan stüa di paurs gnarál venü primules por la "Krebshilfe".



En sabeda, ai 12.03.2016 complësc **Lois Canins** de Lista **81** agn. L'Seniorenclub y düta la Comunité ti aoda dü't l'bun, sanité y benedisciun de Dî.

La Uniu dles Ères Catoliches inviëia a chisc pelegrinaji:

Roma: s'incunté cun le Papa dai 28.06. ai 02.07.2016 cun tapes a pe.

Roma: dai 30.06. ai 02.07.2016.

Al é da s'anuziè ai 9 de merz dales 8.00 inant al nr. 0471/972397.

Assisi: dai 5 ai 8 d'aurí, cun acompagnamënt de Luis Gurndin. Al é ciamó val' posc lëdi y anuziesse atira al nr. 0471/972397.

TaxiVico organisëia na jita/pelegrinaje tl "Alto Lazio" dal 18-21 de aurí.

Infos al nr.335/6116528 o por mail: info@taxvico.it anter le 15/03/2016.

Les iscriziuns ala Scora de musiga por l'ann de scora 2016/2017

vëgn tutes sö sëgn de merz. I formulars ciafon tl secretariat dla Scora de musiga a La Ila o sot a www.musikschule.it). Infos al nr. 0471/847748.

Udiënza dla defensuria zivica en vëndres ai 11.03.2016 dales 14.30 –

16.00 a San Martin te Ciasa de Comun. Info: tel 0471/301155.

Jüc da mësà: ai 9 de merz dales 15 ales 17 te biblioteca a La Ila.

Te Raiun Sozio-sanitar Val Badia a Picolin él da sëgn inant la **Portina**

por l'assistënza y la cura a ciasa che dá informaziuns a porsones che á debujëgn (lönesc, mercuri, vëndres: 14.00 - 16.00, mertesc, jöbia: 10.00 - 12.00). Tel. 0474/586137.


Consëis de Formaziun y uniuns culturales é periá da inserì les

manifestaziuns por l'aisciöda/isté 2016 tla plata www.manif.it o da les mené al Sorvisc Formaziun cina ai 10.03.2016 por podëi les mët tl program. Ci che vëgn dé jö dô gnará ma plö publiché söla plata internet.

Impressum: Ploania Badia, redaziun Cristina Frena

Comunicaziuns cina jöbia sëra a parrocchiabadia@libero.it o frenocris@alice.it

Download plata: www.valbadiaonline.it/comunite/ploanies/ploanies/ploania-badia.html



Plata dla Ploania Badia

San Iaco - San Linert


Ploan: Siur Iaco Wendelin Willeit

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann C 06.03. - 13.03.2016 4ª Domènia de Carsëma n. 15

Als verlorene Söhne -

fremdgegangen

zu den Göttern unserer Zeit -

suchen wir in der Sehnsucht

unseres Herzens

die offenen Arme des Vaters



Vangelo della prossima domenica – 5ª di Quaresima C (Gv 8.1-11)

In quel tempo, Gesù si avviò verso il monte degli Ulivi. Ma al mattino si recò di nuovo nel tempio e tutto il popolo andava da lui. Ed egli sedette e si mise a insegnare loro. Allora gli scribi e i farisei gli condussero una donna sorpresa in adulterio, la posero in mezzo e gli dissero: «Maestro, questa donna è stata sorpresa in flagrante adulterio. Ora Mosè, nella Legge, ci ha comandato di lapidare donne come questa. Tu che ne dici?». Dicevano questo per metterlo alla prova e per avere motivo di accusarlo.

Ma Gesù si chinò e si mise a scrivere col dito per terra. Tuttavia, poiché insistevano nell'interrogarlo, si alzò e disse loro: «Chi di voi è senza peccato, getti per primo la pietra contro di lei». E, chinatosi di nuovo, scriveva per terra. Quelli, udito ciò, se ne andarono uno per uno, cominciando dai più anziani.

Lo lasciarono solo, e la donna era là in mezzo. Allora Gesù si alzò e le disse: «Donna, dove sono? Nessuno ti ha condannata?». Ed ella rispose: «Nessuno, Signore». E Gesù disse: «Neanch'io ti condanno; va' e d'ora in poi non peccare più».

FUNZIUNS SACRES

06.03. 4^a DOMÈNIA de CARSEMA / "Laetare" – Ann C

"Seminartag" cun oferta por i seminars

10.00 Mëssa por la Comunità

15.00 Festa da Bato

18.00 †ta Zenzl Pitscheider - otavare
†ta Emma Valentin Frenademetz
†to Artur Conrater

07.03. Lünesc – S. Perpetua y Felizita

07.30 **Les Laudes**

08.03. Mertesc

19.30 †ta Anna Dapunt - aniversar
†to Tone Irsara de Pescol
†ti Tasser de Sogherdëna y †ta Stefania Irsara

09.03. Mercui - Mëssa cun i scolars

07.30 †to Gottfried Piccolruaz - aniversar
†ti Franz y Tarina Canins - aniversar
por fam. Irsara dl Gran Ander

10.03. Jöbia

19.30 **Funziun Penitenziala**

11.03. Vëndres - S. Rosina y Ulrich

07.30 †to Carlo Dapunt - aniversar
†ti Herbert y Oscar Costa
†ti Linert, Tarejia, Bernardetta, Marta y Irene Pescoll
18.00 Via Crucis (cun "Umes præia deboriada" y Legio Mariae)

12.03. Sabeda – S. Beatrix

16.00 Mëssa a Oies

13.03. 5^a DOMÈNIA de CARSEMA - Ann C

10.00 Mëssa por la Comunità

15.00 Ora de adoraziun

18.00 †to Gerhard Pescoller - aniversar
†ti Paul y Albina Pizzinini
por fam. Erica Canins en rengraz. a S. Maria da Lourdes
(al cianta l'cor Kèrygma)

Dala VITA dla CÜRA

Ai 23 de aurí junse en pelegrinaje a Porsenú


Te düta la Val Badia él sègn sté plö de 300 porsones che s'á prenoté – veramënter na bela gran comunité.

Por tèmپ él düc che ciafa na dërta **informaziun** y ince n te pice liber de acompagnamënt. I periun i **Proi** de surató la pert spiritual te vigni coriera. Por la **induliënza dl Ann Sant** (ala Porta Santa) ól ester jí a **se confessé** (bele sègn de Carséma – o almanco tó pert a na Liturgia Penitenziala che dij siur degan, spo fá la **Comuniun** (ala mëssa tl dom) te n spirit de converjiun y de renovamënt dla fede (y operes de ciarité).

Siur Degan



La proscima preapraziun al Bato sará en sabeda, ai 12.03.2016 dales 15:00 a Badia te Ciasa Runcher. Al é da se prenoté al nr. 0471/849372.



Chèsta domènia, ai 06.03.2016 ciafa l'Sacramënt dl BATO l'pice **Elia** de Philipp Lerchegger y Susan Valentin. Al pice che tolun sö cun ligrèza te nosta comunité cristiana y a sü geniturs les mius audanzas.

Sères de incuntada cun siur Degan: en lünesc, ai 07.03.2016 dales 20:00 te Ciasa di Ministranc dan dljia sarál la terza incuntada. Düc é bel invia da gní.

Curs de preparaziun al maridé: le Sorvisc ai jogn Val Badia lascia alsavèi che pro le curs che vègn tigní dai 1 ai 3 d'aurí 2016 a La Ila tl zënter dla jonèza « SaJ.un » él ciamó valgügn posc a desposiziun. Les iscriziuns vègn tutes sö cina ai 24 de merz al nr. 0474/523070.

Staziuns Schira Jonila y ministranc: en sabeda, ai 12 de merz sarál les Staziuns dla Schira Jonila y di ministranc. S'incuntun dales 14:45 a Badia (dan colonia) por rové a Oies ala S. Mëssa dales 16:00. Dedò jö bas ite pó düc sté n pü'adüm pro n pic' renfräsch. Düc é invia a tó pert.

Senioreclub: al se abina en mertesc, ai 15 de merz por ciafé l'ÖI Sant.

Jogn: ai fajará indò en vëndres, ai 18 de merz la Prozesciun da **La Val a S.Berbura**.